

于桐
湖溪
小者
隱集
集二



于湖小集

(二)

袁昶撰

王雲五主編

叢書集成初編

于湖小集及其他一種

二冊

中華民國二十六年六月初版

章

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

◆ E五二〇五

于湖小集

詩五

奉和壺公師近詩四章丙申

和正月十七日發金陵夕至牛渚

半壁經年締造辛。節幢西上走江神。然犀亭下民如堵。爭迂尙書只幅巾。

夷吾江左祝重來。父老相攜獻綠醅。只有租船詠史吏。未陪撰杖謫仙臺。初約迂至牛渚。以吏環不果往。

和登采石磯

俯瞰馮夷水伯宮。東龕北拒數前蹤。乍攜諸吏崢嶸上。仰薄煙霄呼噏通。清興欲尋黃海約。新詩已護碧紗籠。祠堂獨下彭公拜。艸奏當時金石同。公權督兩廣日與彭剛直議防海。規越戰守機宜。及援諒山大捷。章奏電報動輒數千言。率公主薨。兩銜拜發。彭每稱善不改易一字。今敕建剛直專祠在采石。

過蕪湖枉臨廨舍讌集。賜以佳章。誤蒙推獎。愧未敢荷。謹次韻補呈一首。

爲政清約不如游明根。佐募力士不如蒼海君。上年冬奉鈞檄募自強軍。吏能迂疏百不效。著籍殊玷通德門。亶淵議媾強遷就。公諍之力排天閭。金城千里江介恃。元老誓障河決屹。立如王尊。敵人闕戶旋退卻。光芒龍

劍不敢捫。

南洋布置海防。重重門戶。均宿勁旅。上年二三月倭艘犯海州。沐陽將截我淮徐南北中樞之糧路。人心大震。公厚集諸軍禦之。寇不得逞。

事平詔迨武昌節。郢士

跋立春風溫。謝公偶寓山澤興。排雲淖約山靈奔。庭堅舉止轉瑟縮。烟霾赭岫春波渾。鑿坏深閉酺池寺。

未迓潞國移芳樽。

公領賓從約游赭山滴翠軒。以大雨路滑。又畏吏人供張。遂止不往。

法筵安坐碎金出。蒙翳振發平津昏。髯參短簿盡才

俊。節庵太夷禮卿積

黃山碧溪清營魂。衰衣西上控形勝。平準鹽鐵威兼恩。經綸夷險佐廟算。弇洲詞客

何足殫思存。還捧吾師詩句妙。一世傳衣有記法。乳資來昆。

和石鐘山拜水師昭忠祠坐芸芍堂

未得追陪蠟屐輓。砑鋤不信石如鐘。禮深醕酒芭傳舞。雅想聞鼙將景從。壁記已漫瞻畫象。海軍重治選
真龍。心源追契湘鄉老。待整軍容又國容。
疊空小泊躡坡輓。水石相鑒吼巨鐘。此老襟期無滯著。異時弢版出橫從。檻臨絕壁攀栖鶻。池咒禪孟畜
蛻龍。禮罷國殤施妙墨。山門留鎮伴金容。

原作

正月十七日發金陵夕至牛渚

壺公師

牛渚春波淺漲時。武昌官柳已成絲。東來溫嶠曾無效。西上陶桓抑可知。

登采石磯

壺公師

艱難溫嶠東征地。慷慨虞公北拒時。衣帶一江今涸盡。祠堂諸將竟何之。衆賓同灑神州淚。尊酒重哦夜泊詩。霜髯當風忘卻冷。危欄煙柳夕陽遲。

過蕪湖贈袁兵備

壹公師

爲政有道道有根。佳人讀書袁使君。九流擣磨仍擺落。收拾併入不二門。羅城于公三閒屋。民隱不隔當關闌。東頭圖書西筦庫。中有湛然心君尊。我鎮金陵強一載。蔣山蘿薜何曾捫。老牛困鞭思脫紉。經義就子同尋溫。春雲壓江雨意遠。泥淖洗韞胥徒奔。南望赭山隔煙霧。北瞰于湖新波渾。燕語亦足抵遊覽。芻飯滂沛傾深樽。談詩看畫紉篆刻。十不盡一晡侵昏。過江名士均在坐。此會此樂悅心魂。胡爲欲理嚴瀨釣。儒效未竭安酬恩。黃山幸在君管內。來遊何日常思存。賓從豪盛自詫王元美。東道殷勤還望汪道昆。

石鐘山拜水師昭忠祠坐芸芍堂

壹公師

南疆水戰兩奇蹤。赤壁東來數石鐘。千里江湖似瓴建。一時賢俊盡風從。靈旗月閃驚栖鶴。暑空波鳴起睡龍。太傅功名誰不贊。服公勝算在從容。

和

恩施樊增祥雲門

滴翠軒北萬箇蒼筤根。雨中迴席不過綠玉君。尙書樓船屹江介。囊鞬屬道填國門。臨汝老作門生長。肆筵夙戒翟與闍。謝公臨履過基墅。虎士擁衛中軍尊。一昨鯨鯢沸東海。扶桑軒日誰敢捫。朝廷卜帥授黃

鉞衆議殷浩先桓溫。賀蘭不抹睢陽失。房琯遽有陳濤奔。吾師談笑靖江左。桓桓諸將皆濬渾。兵精盡繹北府籍。士飽滿酌中衢樽。事平持節返湘漢。春濤罨岸江雨昏。于湖清醺進龍鮓。吸飲月魄餐日魂。四海久望相司馬。紫樞行拜宣仁恩。及門不少果達藝。留府況有琬允存。會當指示公家虬髯。取瀛島。豈惟手揮勃律玉。盃擒堅昆。

節庵所遺雷州葛布今夏始製爲袍時病新起追賦一首

故人遺我雷陽葛。服以拜賜生光暉。衣荷製芰老安帖。祇惜漢皋之佩流波違。重之不減錦繡段。輕純賤彼相追飛。中有炎洲煙雨漬。東軒長老之謫籍。當日黃茅瘴裏吟癯瘠。海圖波濤拆舊繡。帶尙餘犀紅半圍。侍兒采葛繰弱蔓。軋軋夜火鳴春機。瓊雷隔海遺儋交。椰冠蕉製蜥蜴風生幃。兩翁服之清似鵲。今其遺製霧結還煙霏。嶺南仙人華予當暑著。我儀山澤不羨紫與緋。孺初沈泉伯訥往。雷陽虛館蒼雪交荆扉。巢痕久掃貞元朝士迹。與君飄蕭影落牛渚兼鵲磯。江湖五日不預宮葛賜。上章欲排蒼闔雲生衣。罪言屬草天關虎豹不得上。深冬絺綌衆所譏。我儀李鳳臺解官朝忍饑。暨陽講院深衣日危坐。墨腕兩袖落筆生珠璣。李申書先生致仕後。晚主書院二十年。終日著布開氣袍。坐講堂上。與諸生口講指畫。想見老輩律己之嚴。老而彌篤。行挂朝衫著蘿薜。投劾大府從其祈。長鑣去。劓攝山藥。湯熨甫瘳淮陽痂。葛巾新從陶令漉。奇服追伴靈均晞。君乎規我一寸陰。可惜還望危言贈處資弦韋。

壽方滌儕先生七十

荷衣澹蕩解龜宜。七十童嬰色更奇。文守靈皋無失律。政留新野有生祠。洞房熊鹿朝朝戲。經帙丹鉛昔昔披。光氣樅陽餘一老。菊潭乳水注深卮。

澹于榮利得康強。近聖街今履道坊。

君口令河南致仕歸在新野尤有惠政杜門著述垂老益勤又日習八段錦妙盡攝生之理

帖寫戎鹽資服食。詩

成蕃劍出光芒。憂時黃石頻撻簾。發興青霞待裹糧。策杖欲從山水癖。石牛溪畔竹匡床。

涉歷軍諮汴水陰。飛書草檄掃氛侵。中年道氣消兵氣。晚節仙心又佛心。偶注陰符兼遁甲。手栽青李與

來禽。年來大隱依裴尹。定卜林塘草閣深。

杜工部入蜀初參裴冕軍幕裴爲卜居浣花此經營草堂之始嚴武代裴爲尹又參嚴幕

官齋竹日淨暉暉。午入披縈酉未歸。

用韓公在張僕射幕府事

荷上千珠無滯相。竹中一滴有傳衣。耗奇隊伍搜文陣。

應間機鋒直箭圍。壽過劉姚兩先輩。不資邛竹步如飛。

海峯先生年八十二惜翁四十四卽致仕壽至八十六

將讌集蕃漢賓僚於南庵

貞元輶士狂標格。法會筵開地布金。勿悟諸君皆勁卒。方欣之子照清襟。青當窗戶竹蒙密。紅出野池蓮靚深。皇澤如春中外浹。蘭閣霑醉酒頻斟。

范長生詩

蜀才箋易。青城徜徉。百六十春。閱世興亡。消息四時。詘信八節。狎虎如瀕。入火不熱。前契苦縣。後挹華原。

唐初孫思邈年至百有七歲京兆華原人段宗戒子蕭丞卜孫受書葛亮平揖李雄守雌自嬖厥道猶龍

集知稼樓

兩扇天門控上游留犁撓酒足銷憂繖山北望千重嶂衣法南來第一樓五翎候班林外躡十軍持釀竹閒筭慙農默禱兼旬霽翠浪全迷穠穉疇

和雲門桃花源詩三首

武陵漁人誤入桃花源贈隱者

行地仙真絕迹居桃花洞口穆林於女辭臺榜懷清字兒讀蝌形未火書泥飲乍邀通款曲茅簷相對興蕭疏只疑別有天光大問訊春來宴荷鉏

桃花源隱者送武陵漁人出洞

待訂他年相見期卻煩姓氏隱支離不須竹杖朝騎去且趁桃花夜漲時毛女與君俱未淨龐公隔世豈能知強留一宿丁寧話有約重來此釣師

武陵漁人再至桃花源尋隱者不遇

紅霞依舊照鰲淪一綫厓光何處村舊酒量留襟上漬新僊官闕壁中言豈真不與夏蟲語令我空尋春夢痕還洗塵心別妻子再來花下定開門

擬桃花源詩三首并序

樊增祥

曩孫胤如先生主詒經講席。以桃花源事命題。查君揆詩最工。壬午冬在鄂中志局。得詒經初集讀之。每至查詩。諷不去口。以眎子珍六兄。同爲擊節。蓋其事其詩。皆蕭遠野逸。與僕性情相契故也。在昔淵明生典午之季年。逢寄奴之代禪。作爲斯記。什九寓言。然而雞犬桑麻。依然人世。羲皇不遠。祇在柴桑耳。查君應徵而作。別無高寄。又生當極盛。偃仰西湖。其中之悲愉。與淵明異矣。僕爲親負米。覲顏折腰。旣謁選得秦之宜川令。以甲申七月出都。暑雨開關。久乃得達。屬以鯨鯢未戮。海國騷騷。旣蹀躞於風塵。更屏營於縻緯。嗟乎。隙駒百年。單門八口。何慮不給。而就微官。昔人不能降志於督郵。而顧手版倒持。爲茲僕僕哉。苟有一廛。如淵明所記。稻田鱗比。花竹蟬嫣。所不卽歸。有如江水。因擬是題。寓息壤之意。並寄子珍都中。若以吾意在避秦。則失之遠矣。

武陵漁人誤入桃花源贈隱者

萬樹緋桃護隱居。迷津翻幸得相於。花開尙似秦時火。兒大寧知漢後書。海上蓬萊知不遠。山中甲子記全疏。羸劉興廢關何事。頭白溪邊自荷鋤。

桃花源隱者送武陵漁人出洞

世外相逢事不期。溪堂信宿忍輕離。來當桑樹雞鳴後。去是桃花飯熟時。漁具好從前路覓。山名莫遣外

人知芒屨怕踐劉家土。分付閒鷗作導師。

武陵漁人再至桃花源尋隱者不遇

一再挈舟訪隱淪。遙遙雞犬是何村。重尋煙水真如夢。若問桃花定不言。沙鳥似含窺客意。岸楓猶有繫船痕。等閒未許漁郎入。何況乘軒客到門。

和雲門

渭雲繚白水。縈青一別離。思周一星袖。有銜書文不滅。樓標供奉屐。曾經太白樓。賦君過牛渚作。新修貝葉南朝寺。更拓珊瑚北望亭。只盼雲門來挂錫。莫噴居士口如餅。今春予病十旬雲門書七至不一答故有結句

早春有懷

樊增祥

春到江南艸木青。思君中夜望疏星。十三篇廣兵家注。二百籤疑小品經。詩好入於宣聖室。酒醒長坐醉翁亭。部中多少南朝寺。可要雲門挂錫餅。

聞松江府西門內新建融齋書院成太守陳公率諸生落之不覺色喜老門生今秋定歸不審都人
士廷推我作灑掃戶否

誰歟枕鄴傳經者。著籍門生共索綯。敕弟子支茅一把。夢先生飲易三爻。雲水光中異景生。眼前突兀見祠成。歸功賢將陳師道。爲薦溪毛碧礪羹。

率諸生奏鹿鳴三精舍開山別有龕。謂上海龍門精舍先生撰杖都講之地別奉栗主祀之。薪火傳來流布廣。儒林一傳壁間嵌。我與傳師會後期。朱亭三百士如之。朱箭河爲閩學政罷歸諸生三百三十三人抱一石築亭曰朱亭以錢別今劉祠釋榮合樂惟予與約齋未預執事。多年積放儒分八。摸索龍門舊日規。

頌千里鏡

莊云風憐目。目力勝于風。目能營四海。風祇行蓬蓬。誰知疇人巧。乃發象罔蒙。心祖墨翟傳。凹突法可通。製之爲遠鏡。以濟目力窮。能攝遠者近。能綵織者洪。俯觀滂沱壤。周髀謂地滂沱而四隤。仰測象緯穹。潛地地昭融。百里悉蔽翳。千里洞窪窿。乃知古今理。无窮出環中。物物理无涯。新新日程功。積測智逾出。執樞應不窮。何況唐虞世。垂衣法重瞳。君以人爲鑑。鑑以古爲礪。功倍徑尺器。象限儀毋庸。共鵬不可欺。禹皋輸赤忠。各以一官效。獨勝毋雷同。播種到聖處。巨靈策陞鴻。材器有各適。因任秉虛公。聖治離兩作。羣材石兼攻。成大圓鏡智。塵埃無纖毫。殊方嚮風靡。在野驗風從。戶牖綴赤白。合宮達明聰。

陳先生澧。本鄒伯奇說。墨子經說云。臨鑑而立。景倒。景影古今字。謂窪鏡也。又云足敝下光。故成景於上。

首敝上光。故成景於下。此解窪鏡照人影倒之故也。又云鑒者近中。則所鑒大。景亦大。遠中則所鑒小。景亦小。此則謂突鏡也。今西洋人製鏡之巧。不過用窪突二法。而墨子已知之。惜其文多脫誤難

解耳。古用銅。今用玻璃。故凹凸之法雖同。而巧質異。

山寺

礪水橫斜石路侵。一牛鳴地入叢林。漲江瀉碧橫如帶。竹日篩黃碎似金。雲嶂排空無定相。石牀敷席試觀心。無機得句俄忘卻。晏坐林中不強尋。

憂樂相倚伏

入梅苦連雨。巨浸俄稽天。陂稻根葉爛。農夫百憂煎。歲恐遭荒歉。牧民者胡顏。圓荷隄東西。秀出綠水浮。遊儵戲其下。吹唼蘋花稠。掬入小盆池。不殊濠上遊。萬事皆可憂。萬物皆可樂。劍頭炊不危。衽席裯轉作。清修而寡營。庶資攝生藥。

贈熊潞洲

瀟灑南譙牧絕倫。願依西礪作州民。忸予管內山亭勝。穿屋流泉理釣緝。

騷人例占溪山郡。符竹韋王之元。

數到歐何處。神仙跋道士。訪楞伽字幾尋幽。予寓家全椒九贛槐火亦曾訪韋公尋山中道士處。

醉翁亭抱三株雪。庶子泉今一片漫。猶憶吾師種梅處。樵人斫贖只東欄。

亭外舅薛桑根師修復歐公二種梅滿谷今只贖三株李陽

冰篆刻庶子泉三字久失之。

菱溪山戶蜂糖熟。佳石今迷一尺苔。那得枕泉招老沈。白雲堆裏抱琴來。

菱溪本名苕溪。州人呼蜜爲蜂糖。俗相沿避楊行密嫌名改。歐陽公得菱溪三大石。輦致郡齋。刻詩

石背梅聖俞喜我得此石云云石今存其一刻文只上五字可辨得此石三字已湮滅歐公門下有琴客沈遵故及之鞠孫同年方修州志戲謂上項事可採入雜識

披襟

水生之蟲安於水吾亦同遊積氣中苟非吾有無多取小立披襟受竹風

懷顧子朋盍山下面水居

兩個閒雲不相見君嵇庵我阮亭宜我思著屐登黃海君恰誅茆傍翠微松性輪囷獨也正世緣湛濁是耶非阮翁酒送嵇庵老領略無言杜德機

此心直與盧耽鶴飛集君家庭樹枝德操搭囊逃世議毗耶杜口倘吾師紅雲擎水荷千蓋蒼雪遮門竹一埤注瓦遙知竹根臥醉邀楚客咏江籬

再和雲門

武陵漁者誤入桃花源謁隱者非有先生

東方有一士章陶公自厲也東方生作非有先生論亦自厲故借用

那知物外有人居食息天游不異於溪口桃花來迓客洞門落榜問誰書鹿裘扶曳人倫樂雞黍殷勤世法疏隔世有緣門外漢飛來導汝一春鉏

源中隱君子送武陵漁人槩特出洞

佛書有槩特不曉文句義味又性善忘漁人殆卽此人

聚花予豈是安期子有仙緣輕別離看取千回熟桃子可能再訪及瓜時世塵莫管蟲沙劫名姓休教虵雀知好去不須開口說山家那有鍊丹師

漁人槩特再尋桃花源隱者不遇

俗子何知有隱淪擎舟雲合失山村桃根桃葉誰迎汝山鳥山花似諷言枕熟黃梁春有夢榜漫碧蘚洞无痕歐梅兩公遊嵩山仰見絕壁苔蘚合成字曰神清之洞既而失之秦人想自居先輩不許雲衲刺到門

附錄

書陶靖節桃花源記後

於山溪閒有桃林於林中有源於源中有天隱者且秣稊後世不數有漢何論魏晉語云宇泰定者發乎天光此非陶公慨想黃虞之寓言而何秦者以方前建威將軍裕昔爲參軍事之今則以改玉步恥而避之避之荒閒之野蓬蒿拄乎狃麗之徑而卽安焉揚子劇秦卽以剌新是其例也番番黃髮披褐懷玉怡然自樂其性命之情乃陶公自謂垂髫之倫則舒宣雍端通子之屬是已渴飲寒衣雞黍延客鄰曲情話交相問訊道路男左女右悉如平人夫賢者起居食息世故酬對了不異人所異人者神明耳豁然開朗

別有天地。謂鎔宋時之天地。非晉時之天地。義熙以後之日月。異於太元中之日月。元好問弔亡金詩云。蕩蕩青天非向日。是其誼也。惟柴桑一曲。栗里半畝之宮。庶幾別有所戴之天。所履之地。殆終吾身。以數明自照而已乎。郡守求一面不可得。蓋斥檀刺史道濟王江州宏之流。昔同參建威軍事矣。爾爲興朝佐命。身是晉室遺老。峻示厓岸。不許問津。是卽平生結契荆軻三良。刑天精衛之志氣。何言之悲乎。可許偶一往來者。意惟劉麟之其人乎。漁人云者。則清晨聞叩門章。勸駕之田父比也。不違己以詘道。寧稟氣以寡諸。吾駕信不可迴矣。故可一見。而難於再見。以上皆寓言也。或譏子言何穿鑿之甚。予曰。請以述酒一章證之。重離照南陸。離黎音近。重黎謂司馬氏琅邪南渡而成帝業。故曰照南陸也。山陽歸下國。喻恭帝受禪。卒見鳩於裕。故曰天容永固。彭殤非倫。寓言述酒。特謬悠錯亂其詞耳。遭時陽九。周身之防。至言不出。惡能免於穿鑿乎。桃音與陶近。中無雜樹一句。寫出身分。遠公東林蓮社之約。招陶而拒謝曰。靈運心雜。不欲致其人。謝亦晉之世臣。失節仕宋。而又畔宋。謬託子房魯連之義。不謂之心雜得乎。遠公方外人。蓋知其歟矣。贊箕子曰。矧伊代謝。觸物皆非。故曰問今是何世。歎惋不自勝也。檀王顏謝於陶公皆有舊。皆劉寄奴幕僚四人者。皆詘身事霸朝。故陶集無一筆與顏謝往來之迹。實則顏誅中固明言與陶周旋甚密也。其用意不可曉然邪。傳稱介于石。不終日。其指遠而詞文。文中子言上者天隱。其次地隱。殆公之志也夫。殆公之志也夫。光緒丙申長夏初八日芳郭鈍椎書。

夜雨懷子培

暑宵刻漏箭催蓮。長想儀形似隔年。荷芰聲中雨數點。猶疑同據槁梧眠。

懷壺公師

幅巾只是一儒流。節制旂旄九九洲。不以朱雲常吏待。思扶靈壽法筵遊。迴旋長袖猶難展。陶冶羣材或易求。須信目將營四海。入參機務卜金甌。

寄子培

如海幽憂不可渝。由來家行法淵齋。雲浮衣狗人閒世。景駐茅龍洞裏天。柱下方書真寄耳。陔南色養自陶然。昨來遣我明珠百。字字清冷濯髮泉。

喜復堂至

七十童顏炯兩眸。蹉然何幸降荒陬。青田有鶴邀同宿。東野爲龍笑不休。收攝心光姑自照。磨礪世務莫相求。猶堪滄勝尋黃海。濯足天都萬丈流。

雲門五十有一初度以詩爲壽

夷陵山水天下奇。天馬蹴蹋樊宗師。攝四溟濤入毛孔。操三寸翰驅文辭。今代椒花吟舫朱。南皮愛士古來無。楚材第一揆繹出。東箭南金世所須。